

Inatsisartut Suleriaasianni § 37 imm. 1 naapertorlugu Naalakkersuisunut apeqquut imaattoq matumuuna saqqummiuppara:

Naalakkersuisunut apeqquut:

1. **Ulluinnarni ilaqutariit inuuniarnermi akiligassaat aalaakkaasut naligninnaasut assersuutigalugit makkua:**
 - a. **Ineqarnermut kiassarnermut kallerullu inneranut akiliutit,**
 - b. **Eqqaavinnut anartarfinnullu akiliutit,**
 - c. **Meeqquerivinnut akiliutit,**
Ilaqutariinnut pissakinnerusunut akunnattumillu isertitaqartartunut siunissami akileraarutitigut ilanngaatigineqarsinnaalissangaluarpata, tamanna nunatta karsianut qanoq naleqarsinnaava?
2. **Suliffeqarfissuit ingerlatseqatigiiffiit akileraartutitigut akiligassaralui kinguartitat akilerneqarnissaat pillugu Naalakkersuisut qanoq iliuuseqarpat imaluunniit iliuuseqarniarpat?**
3. **Naalakkersuisut akileraartitigut allannguinnissaminnik piumassuseqarpat, taamaassappat suut qanorlu?**

(Inatsisartunut ilaasortaq Anthon Frederiksen, Partii Naleraq)

Tunngavilersuut:

Suliffeqarfiit namminersortut, ingerlatseqatigiiffiit, aalisariutit il.il. ulluinnarni ingerlatsinermi naligninnaasumik aningaasartuutit akileraarutitigut ilanngaatigisarpaat, kisianni ilaqutariit pissakinnerit akunnattumillu annertussusilinnik isertitallit ulluinnarni aningaasartuutit akileraarutitigut ilanngaatigisinnaanngilaat.

Eqqaamasariaqarparpummi ilaqutariippasuit ulluinnarni angummanniarpilooput, illua-tungaatigulli suliffeqarfissuit ilaat ingerlatseqatigiiffiillu ilaat akileraarutitigut akiligassaraluminnik kinguartiterippat, tamanna inuiaqatigiinni naapertuilluarnertut isigineqarsinnaanngilaq.

Apeqquutit ullut suliffiit qulit (10) qaangiutsinnagit akineqarnissaat kissaatigaara.